

TESTULIBURUEN DOAKOTASUNA

1. SORTEN KONFIGURAZIOA

- EDUCAn soilik konfiguratuko dira ikastetxeak Doakotasun Programaren barruan sartzea nahi duen liburuak/ikastetxeak egindako materialak/guztiek erabiltzeko materialak.
- Ez dira Doakotasun Programan sartzen testuliburuei lotutako materialak, beren izaeragatik hurrengo ikasturteetan ikasleek berrerabili ezin dituztenak, Lehen Hezkuntzako lehen ziklorako eta hezkuntza premia bereziak dituzten ikasleendako bideratuak izan ezik. (Oinarrizko irakaskuntzarako testuliburuak finantzatzeari buruzko martxoaren 25eko 6/2008 Foru Legea garatzeko erregelamendua onesten duen irailaren 27ko 61/2010 Foru Dekretuaren 2.2 artikulua). Horregatik, **ezin da koadernorik sartu**.
- Indarraldia: programaren indarraldia **bost ikasturtekoa** da, Lehen Hezkuntzako 1. eta 2. mailetarako izan ezik, eta aldi horretan ez da inolako aldaketarik egiten ahalko (ISBN aldaketak, liburuen ordezkariak egindako materialak erabiltzea, etab.).
 - Ikastetxe batek ez badu jasotzen ikastetxeak egindako liburuen/materialen bat Doakotasun Programan, eta zenbatekoa ikasleen legezko ordezkariak ordaintzen badute, indarraldia ez da aplikatuko, ez baitago Doakotasun Programaren barruan, eta ikastetxeak nahi duenean alda dezake.
- Arlo edo eremu baterako konfiguratzea behar izanez gero, non liburuarekin zein ikastetxeak egindako materialarekin lan egiten den, azken hori honela konfiguratu daiteke: "Materiala".

2. TXOSTENAK

- Liburuak/materialak ordaintzeko eskatzen denean birjartzeagatik, gradu anitzeko premiengatik, hautazkoengatik eta gaingitu gabekoengatik edo programa eleaniztunak ezartzeagatik, dagokion dokumentuaz gain, txosten bat ere bidali behar da, laguntza eskatzeko premia azaltzen duena, honako hauek adierazita: liburu kopurua, ISBNa, zein irakasgai edo eremuri dagokion, ikasturtea eta liburuen zenbatekoa.

3. JUSTIFIKATU DAITEZKEEN GASTUAK

- Guztiek erabiltzeko materiala edota testuliburuak erosiz gero:

Guztiek erabiltzeko materialen edota liburuen fakturak sartuko dira, ordaindu diren ikasturteei dagozkienak, EDUCAn konfiguratuta daudenean eta ikastetxeak berritzeko edota birjartzeko erosten dituenen.

- **Ikastetxeak sortutako materialaren kasuan:**

Ikastetxeak emandako ziurtagiri bat igorriko da Doakotasun Programara, hartan jasota zein izan den materiala sortzeak ekarri duen kostua, berritzeagatik nahiz birjartzeagatik, ordaindutako ikasturteetarako. (Ikusi dokumentuaren bukaerako taula).

- **Nola kalkulatu kostua?**

- **Fotokopien kostua:** kostua kalkulatzeko, dokumentuaren amaieran ageri den 1. adibidea erabil daiteke. Fotokopiaren bat koloretan eginez gero, hori ere zehaztu daiteke, kostua bestelakoa baita.
 - **Paperaren kostua:** kostua kalkulatzeko, 2. adibidea erabil daiteke.
 - **Koadernaketaren kostua:** (Ikusi dokumentuaren bukaerako taula)

4. ECOEDUCAN KONTABILIZATZEA

Bideotutorial bat eskura duzue, jakiteko nola kontabilizatzen den doakotasun plana.

Diru-sarreraren idazpenak automatikoki kontabilizatzen dira Departamentuan.

Gastuen idazpenak ikastetxeak kontabilizatu behar ditu, honako hauek kontuan hartuta:

- Idazpenean, justifikazio espezifiko hau zehaztuko da: “eskolako testuliburuaren doakotasun programa”.
- Justifikazio espezifikoaren aldia automatikoki betetzen da, fakturaren dataren arabera.
- Gastua egozteko azpikontuaren izena hau da: “Doakotasun planeko liburuak”.
- EDUCAn nola konfiguratuta den, honako hau adieraziko da idazpenaren kontzeptuan:
 - ISBNa. Maila:
 - Eskolak sortutako materiala. Maila:
 - Guztiek erabiltzeko materiala. Maila:

Aurrekoez gain, fakturei dagokionez honako hau kontuan hartu behar da, **kontabilizazioan eragina du eta:**

- **Fakturaren zenbateko guztia badagokio doakotasun planari.**

Faktura idazpen bakarrean kontabilizatuko da, bideotutorialerako argibideei jarraikiz.

- **Fakturaren zenbatekoaren zati bat badagokio doakotasun planari.**

Ikastetxeko zuzendariak txosten bat sinatuko du fakturaren banakapena azaltzeko, eta adieraziko du zer zenbateko dagokion doakotasun planari eta zer zenbateko dagokien bestelako gastuei.

Faktura bi idazpenetan kontabilizatu behar da, biak ere faktura motakoak:

- 1.- Idazpen bat, bideotutorialari jarraikiz, doakotasun planari dagokion zenbatekoarekin.
- 2.- Beste idazpen bat doakotasun planetik kanpo dagoen zenbatekoarekin. Idazpen honetan, gastuaren izaeraren arabera azpikontua edo azpikontuak aukeratu dira.

Bi idazpenetan faktura-zenbaki bera jarri behar da horretarako dagoen eremuan, eta bi idazpenetan faktura erantsi beharko da, baita ikastetxeko zuzendariaren txostena ere.

5. KONTUAK ONETSI IZANAREN EGIAZTAGIRIA

Kontuan hartu beharrekoak:

- Ziurtagiriaren azken saldoak bat etorri behar du ECOEDUCAko Testuliburuaren Doakotasun Planaren justifikazio espezifikoan agertzen diren datuekin. Benetako datua jarri behar da, **ez Ora egokitu**. **Saldoa positiboa edo negatiboa izan daiteke.**
- Testuliburuaren Doakotasun Planaren justifikazio espezifikoaren barruan, ezin dira sartu ordutegiak sortzen dituzten programak, agendak, orientazio testak (Wisc, Sena...) edo hezkuntza baliabideen webguneetako harpidetzak.
- Justifikazio berean ez da sartuko material suntsikorreragatikoa gastua (zeloak, kolak...).
- Ikasleen legezko ordezkariak arduratzen direnean testuliburuak erostean, erosketa bono bidez eginen da. Ez dago beste aukerarik. Familiei ezin zaie ordaindu erosketa horren kostua.

1. adibidea

Maila	Irakasgaia/eremua	Ikasleak	Fotokopia kop. (zuri-beltzean)	Kopiak guztira	Kopiaren prezioa (0,0041€/kopia)	%21eko BEZa	GUZTIZKOA
LH 1	Matematika	43	50	2.150	8,82 €	1,85€	10,67 €
LH 1	Ing. ezagutza	43	70	3010	12,34 €	2,59 €	14,93 €
LH 2	Gaztelania	48	60	2.880	11,81 €	2,48 €	14,29 €
LH 2	Matematika	48	40	1.920	7,87 €	1,65 €	9,52 €
1. eta 2. mailak	Euskara	40	50	2.000	9,20 €	1,93 €	11,13 €
3. mailatik 6.era	Euskara	105	75	7.875	32,29 €	6,78 €	39,07 €
GUZTIRA				19.835	82,33€	17,28 €	99,61 €

Fotokopiak koloretan egin badira, horien kostua adierazi beharko da, eta hori aplikatuko da, zuri-beltzeko fotokopien kasuan bezala.

2. adibidea:

FOLIO KOPURUA GUZTIRA	FOLIOAK/PAK.	PAKETEAK	PREZIOA/PAK.	PREZIOA	%21eko BEZa	GUZTIRA
19.835	500	39,67	4,85€ (gutxi gorabeherako kostua)	192,40 €	40,40 €	232,80 €

Doakotasun planaren urteko kostu osoa: Egindako fotokopien guztizko prezioa (99,61€) + folioen guztizko prezioa (232,80€) + koadernatze elementuen guztizko prezioa.